

2.  
HIEREMIAE

THRIVERI BRA-  
CHELII IN  
OMNES

\*

GALENI DE TEMPE-  
RAMENTIS LIBROS  
EPITOME.

\*



Lugduni, apud Godefridum & Mar-  
cellum Beringos, fratres,  
M. D. XLVII.



# HIEREMIAE

THRIVERI BRA-

CHELII IN

OMNES

GALENI DE TEMPE-

RAMENTIS LIBROS

EPITOME.

\*



VODLIBET clemen-  
tum unam ex quatuor quali-  
tatibus, cāmque excellenter,  
hoc est summam, nedum syn-  
ceram obtinet: quocirca nec  
pauciora, nec plura quā  
quatuor, ip[s]orum, atq[ue] huius in-  
ferioris mundi cōcordia pati potuit. nec ista (ut  
fors obtulit) locum quemuis dispersa tenent, sed  
quantum fieri potuit, contraria inuicem distra-  
cta sunt: quæ uero altera qualitate conueniunt,  
coniuncta existunt. Idem deinceps quaternio sin-  
gula mista corpora instituit, ac quasi fundamen-  
tum sternit: sed obscurata sunt ipsorum note. to-  
ta enim totis condiuntur, ac quodam modo fer-  
mentantur, si non secundum substantiam, cērtē  
secundum qualitatem: iam in inanimatis ple-  
risque minima est superiorum elementorum por-  
tio, sed in animantibus manifeste conspiciuntur

quid de aer  
terrā amb  
ante /

A a. 2. omnium

omnium semina, ac quasi quidam genij, neque hic tamen eadem mole, sed in homine exuperat terræ, & aquæ quantitas, æris uero atq; ignis qualitas: ex omnibus ergo una temperatura oritur (ab antiquis natura) uulgò complexio dicitur, quæ cunctarum qualitatum indolem quandam retinet: sed ab ea quæ exuperat, appellatio nem recipit. Ac generatim quidem hominis conditio, calida est & humida, sed diuersa singulorum fortuna. Optima est de qua nemo queri potest, aliæ excedunt calido, aliæ frigido, hæc humido, illæ sicco, quædam ijs infeliciores, utpote calide simul & humide, calide & sicce, frigide rursus ac sicce, aut etiam dum frigide excellenter, & humide. Quapropter non tantum duæ, ut quidam dixerunt, sed quatuor sunt temperature compositæ: quibus si quatuor simplices addas, atq; unam temperatam (quæ fere ab omnibus ante Galenum omiſsa est) nouem in uniuersum temperies inuenies. Caue tamen singulas in singulis rerum speciebus inquirere, non enim ubique inuenies. exempli cauſa, quatuor fortassis, distingues anni tempora, sed errabis: siquidem ut æstatem siccam & calidam, hyemem frigidam, & humidam dixeris, ita autumnū posueris frigidum & siccū, uer uero calidum & humidū. Autūnus enim sua natura inæqualis siccus quidem, sed nunc frigidus, nūc calidus, nō tantū in diuersis mēſibus, sed sæpe in iſdem hebdomadibus,

bus, interim usilem diebus, adeo ut aliquādo meridies ultra proportionem caleat, uesper frigeat: quinimo & econtrario sepe accidit, ut uesper aut mane caleat, meridies frigeat, tanta est ipsarum nubium inaequalitas. Non minus errauerunt ueteres in definitione ueris. Temperatum enim est, non calidum aut humidum. Nescio tamen an hic error à Galeno paulò acerbius redargutus sit. Nam forsitan & illi habuerūt temperatum, sed ob eam causam dixerunt calidum & humidum, quòd simpliciter huc magis spectaret. quippe & in homine tēperato calidū quoque superat frigidum, ac humidum siccum. certè uer pro sua natura legitimū nullam in corpore tēperato qualitatem demutat: quocirca & in ipso uere has qualitates, modice ultra sibi oppositas, efferri necessum est: nec id oportet adeo detrectare, quando & ipsi Galeno non semel in Aphorismis excidit, uer calidum dicere: id quoque experientia indicat: nō enim temere terra germinat, aut humores in corpore fusi foras regurgitant. Minus tolerari possunt, qui pueritiani temperatam autumāt. Nam simpliciter humida est, idque excellenter: in parte tamen uerum dixerūt: nam hactenus saltem calido temperata est. Sed nullo modo ferendi sunt, qui quoduis, etiam immodice calidum & humidum, contendunt temperatum: quippe inter tempora nullum est magis futrelini ac grauibus morbis obnoxium, sepe etiam pestiferum

pestiferum. Idem & de corporibus arbitror. nō  
 præ illis potius frigidum & siccum commenda-  
 uerim. Fateor calidum & humidum quouis  
 ferè alio intemperato ex natura est uiuacius.  
 sed ex accidentibus morbis plerisq; multo oppor-  
 tunius. Nec refert quòd uita definiatur calido  
 & humido: multarum enim & aliarum rerum  
 excessus molestus est, quarum mediocritas gra-  
 ta existit. Frustra ergo patrociniū, aut Aristote-  
 lis aut Theophrasti inuocant. Nam cum ij uitam  
 in calido & humido collocant, ad demortuum  
 conferunt. at ij simpliciter audiunt, planè imme-  
 mores quòd calidum, frigidum, humidum, sic-  
 cum, non solum dicantur de ijs, quæ sincere tales  
 qualitates obtinent, aut etiam dominantes, sed  
 & de ijs quæ cum alijs comparantur. Atque in  
 ijs quidem comparationibus immodicè Gale-  
 nus prolixus est. Nos autem in sex differentias di-  
 gerimus. Nam uiuens subinde confertur cum de  
 mortuo, aliquando etiam cum tota substantia,  
 interim cū suo genere, aut specie, idq; sua aut a-  
 liena, nōnunquā indiuiduum cōparatur indiui-  
 duo, idq; iterum uel eiusdē speciei uel diuersæ. ac  
 sunt quedā orationes, quæ ex usu quodam certā  
 comparationē sibi definiūt. uerbi causa, cum sub-  
 stantiam aliquam temperatam aut intempera-  
 tam calidam aut frigidam dicimus, certum est  
 quòd ad medium, quod in toto genere substan-  
 tiæ existit, hoc est, cutem conferimus. at ubi ani-  
 mal

mal uel plantam talem definimus, ad genus animantis, aut stirpis expendimus: sic & cum os siccum appellamus, ad uniuersam naturam referimus: ubi uero os leonis siccum dicimus, ad medium aliquod os in animantibus determinamus: pleræque tamen loquutiones diuersam comparisonem sustinent, & sophistæ nunc ad hanc, nunc ad illum distrabunt: quare hæc oportet distinguere, priusquam certum quid sophistæ licet respondere. non enim ipsi quæquam student erudire, sed ambagibus comparisonum ac nominum confundere, ac sese ipsos ostentare. Iisdem fere modis temperatum dicitur, sed due insigniores illic differentie sunt, altera est iuxta quam temperatum simpliciter dicitur, quod ad totam substantiam expenditur, in quo elementa parimole, saltem parè qualitate commixta sunt: ac talis est cutis hominis, non ubiuis, sed in manu, non cuiusuis, sed natura temperatissimi, quiq; nullo labore ipsam obdurauit, nulla mollitie emollit. Fateor sensus crassus est, nec facile paruas differentias percipit. proinde Galeno optimum uidebatur, ipsum ab extremis ad medium subinde transferre. tandem enim illorum comparisonem medium exquisitè cognoscere discet. uerbi gratia, si quis subinde aquam calidissimam, ac iterum frigidissimam uicissim tentet, tandem quidnam inter hæc medium, facile distinguat: quinimo si quis aquis portionibus aquam

validam ac frigidam miscuerit, quod ex ijs est  
 conditum non multum à medio aberit: eodem  
 modo si quis (inquit) terram (ita enim malo di-  
 cere quàm cinerem) aquæ pari modo confude-  
 rit ruditer, quod medium est humidi siccique in-  
 ueniet. Sed rara hæc est mediocritas, paucis e-  
 tiam aut nullis accommoda, frequentius tempe-  
 ratura appellatur, pro uniuscuiusque officio & stu-  
 dio: quippe prout cuiusque speciei sunt opera aut  
 munera, talis debet esse temperatura. exempli  
 causa, piscium natura est natàre, quadrupe-  
 dum terra ingredi, uolatilium uolare: rectè er-  
 go natura in ipsis uariavit temperaturam ac in-  
 strumenta, nihil enim profuissent instrumenta  
 diuersa, si quidem fuisset eadem temperatura.  
 Sic & equi & canis tantum debebant uariare  
 temperatura, quantum natura. atque equi qui-  
 dem est uelocissime currere, ad labores idoneum  
 esse: canis uero erga domesticos fidelem, erga alie-  
 nos animosum esse. uidete ergo an ambobus ea-  
 dem temperatura conueniebat, an non potius ut-  
 trique peculiariter sua. Ita & homo, quia inter  
 cetera animantia debebat esse prudentissimus,  
 ita præ omnibus alijs simpliciter decuit ipsum,  
 esse temperatissimum. Nam prudentia causa  
 ipsa temperies est. Nec tamen omnes in eo simi-  
 liter partes affectas reperiēs: sed temperatissi-  
 ma in manu cutis: ad quā si reliquas omnes par-  
 tes conferas, mirabilem uarietatem inuenies, a-  
 lias



lias humiditas scilicet, alias siccas, atque has quidem tactus aestimare potest: eandem enim duritiem, ac mollietatem præbent particule in uivis ac demortuis: non tamen calorem eundem exhibent demortue, ac uiue: in uivis particule externe sæpe communicant cum qualitatibus partium interiorum: nec calor, quem cutis expirat, semper proprius est: interim funditur atque oritur à visceribus interioribus. ergo ad discretionem calidorum & frigidorum methodo opus est. est autem una, quòd unaqueq; particula tantum habet caliditatis, quantum accedit ad formam sanguinis.

GENERALIS, ut prius diximus, conditio hominis calida est, & humida, etiam eius qui frigidus & siccus dicitur: sed qui modicè talis existit, est absolutissimus atq; fortunatissimus: ac multe in hoc homine occurrant notæ oportet: primo habitū (is enim se statim oculis offert) in crassitudine, hoc est carnositate, si quidē ita liceat dicere, gracilitate, macilentia, obesitate, mediocrē esse oportet: sed neque ulla qualitas immodicè sese efferet: sed hæc tenus quoque tactus quandam æqualitatem inueniet, nec in colore, pilorum circumscriptione (nisi accidens intercesserit) ulla erit deformitas, sed quasi concentu quodam hic uisitur omnium rerum pulchritudo, & mediocritas: atque hæc sunt quæ oculis, tactu, ac visu discernere licet. Interiorum

uiscerum naturam altius oportet eruere, ac cor  
quidem, cuius nō minima uis in corpus defluit,  
ferè ex animo atque eius facultatibus moralis  
bus perficitur: adeo ut qui absolutè tempera-  
tus est, in ijs quoque omnibus incundissimè sese  
habet: neque enim audax, neque timidus est, sed  
fortis, nec lentus, nec præceps, sed maturus, uno  
uerbo, in rebus gerendis prudens, nec seuerus, nec  
ridiculus, sed alacer, neque sui deses contemptor,  
aut bonorū inuidus, sed in rectis æmulus, neq; er-  
ga inimicos crudelis, aut amicis plus satis indul-  
gens, sed ubique humanus. Non minus tempera-  
ti uirtus relucet in cerebro. Nam omnibus o-  
perationibus animalibus est integerrimis, sensi-  
bus perspicuis, motu ualido, intellectu quod  
maius est eximio. nouissimè, concoctione, & reli-  
quis operationibus naturalibus, quæ in uentre  
ac hepate fiunt: absque suspitione, hæc sunt quæ  
temperatum hominem definiunt, nec talem ex-  
hibet quæuis ætas, sed magis iuuentus, ac si ex-  
quisitè loquamur, extrema adolescentia: reliquæ  
omnes ætates plus minus intemperata sunt. Vsq;  
ad extremam adolescentiam omnes intemperan-  
ter humida, reliquæ omnes posteriores sicca,  
senectus utraq; etiam frigida, sed excrementis  
altera pituitosa, altera uero melancholica. Con-  
tentio est de iuuentute ac pueritia, facta est tano-  
dem concordia. Nam hæc lenus omnes ætates de-  
finitæ sunt calida eodem ordine (exceptis frigi-  
dis

dis & humidis immodicè) sed tactu diuerse. promptum huius rei exemplum est, possunt aqua & lapis, imo ut proximius accedamus, aër crassus, fuliginosus, ac suauis & purus similiter esse calida, nunquam tamen qualitatis illorum similis erit phantasia, scilicet calor qui in solido aut crasso sedē obtinet, multo erit acrior eo qui in humido habitat. Rationes uerò quæ utrinque afferuntur sunt ambiguae, quædam ex ijs in iuuentute, quædam in pueritia potiores operationes esse arguunt, omnes autem in adulescentia constant bene. Iam quòd in iuuentute sanguis sit biliosior, pensatur eò, quòd in pueritia calor sit copiosior. Quod de ætate diximus, idem de regione oportet dicere: tantum enim uel in temperata regione temperatum inuenies, alibi uix, inquit Galenus, illius umbram. atque id forsàn paulò durius dictum est, tamen non nisi procul in intemperatis regionibus ad temperiem acceditur, ad quam tanquam regulam & canonem reliqua æstimare oportet. est enim una omnium methodus, quæ ut illustrior fiat, singulorum quæ prius diximus, speciales nunc causas reddemus, & ab ipso habitu auspicati tandem ad interiorum uiscerum agnitionem uenimus: ex ijs enim duobus ferè tota hominis temperatura proditur. Habitus autem ipse præcipue, ex gracilitate, macilentia, crassitudine, & obesitate cognoscitur, quorum omnium (licet  
 minima

minima appareant) discrimina ex differentijs  
 qualitatū oriuntur, quippe gracilitas siccitas  
 tem, crassitudo humiditatem, pinguedo frigiditatem,  
 macilentia caliditatem sequitur, quadratura,  
 hoc est, ipsa mediocritas mediocritatē qualitatū  
 imitatur, nec id tantū de genuinis qualitatibus  
 dicimus, sed idē est de ascititijs, cōsuetudine  
 tamen factis familiaribus. Distinguit ex Hippocrate Galenus. nam qui ex natura calidi,  
 aut macilenti, ijs uenæ amplæ: angustæ uerò ijs  
 qui tales ex accidente. non enim accedente postea  
 calore uenæ inflantur, sed proportionem retinent,  
 quam à principio acceperunt. Non est tam promptum,  
 gracilitatem ac carnositatem naturam, à genuina  
 distinguere, ne tentauit quidem Galenus, neque ego  
 scio si possemus ex corporis fabrica discriminare.  
 Nam quibus à natura siccitas inest, contractiora  
 corpora uidentur, liberaliora quibus humiditas,  
 modo suam proportionem seruet caliditas. Certè non  
 poteris id ex pilis distinguere. Nā siue à natura,  
 siue ex consuetudine nuper contracta temperatura  
 fuerit, pilorum circumscriptio ferè eadem. &  
 de hac nunc quoque aliquid dicendum est: plus enim  
 pili, quàm quiduis aliud habitum uariāt. non enim  
 in una tantum nascuntur parte, sed in uniuerso corpore,  
 idque admodum diuerse. Nam quidam statim  
 oriuntur à principio, quidam sequuntur longo tempore  
 postea, nec in quæ  
 uis

uis temperatura, sed tantum calida, certè sicca. Proinde rectè Galenus graminibus qua sine ordine errant, hos comparat, illos uero segetibus, qua limite discernuntur, omnes tamen ex fuliginoso (reliquæ enim excrementorum species inidoneæ sunt) excremento oriuntur: hoc ut copiosius est, ita pili quoque magis robusti & copiosi: qua de causa cætera ferè animantia hominibus magis hirta uidentur: crassum enim eorum nutrimentum, & ad fuliginem plurimum idoneum. Multum etiam & cutis cõfert. opportunitas, hoc est, mediocris siccitas. Nam in humida simpliciter cute non proueniunt, in sicca insigniter etiam qui prius nata sunt pereunt: argumento est caluities: in homine tamen quo cutis est siccior, eo pilus pracocior, atque confertior est, ob eam causam, coma hominibus forsitan & iuba, equis promissior est: certè iam pueris nobis, caput & supercilia pilis obseruntur, nec id tantum in una temperatura, sed in qualibet. omnibus enim eæ partes satis sunt sicca. Hinc est quòd Galenus hos pilos naturæ beneficio acceptos refert: uellum enim peculiare temperamentum requirunt, sed generali contenti sunt. in facie ac reliquo corpore non omnibus innascuntur, temperaturarum discrimen imitantur. Idem de colore ac figura reliquorum pilorum dico. Non enim omnibus coma aut cæsaries eadem est, sed pro diuersitate temperamenti diuersa, ac nigra caliditate

lidityatem temperaturæ ac uaporum sequitur: alba, rufa frigiditatem: flaua modum ipsum: ita & simplex frigiditatis serè, crispa caliditatis est amulæ: aliquando tamen exhalationis imbecillitatem sequitur, atque hæc serè flaua aut rufa est: hinc est quòd in mulieribus laudetur simplex, aut certè crispa, sed flaua, nō autem nigra: magis enim idoneam mulieri complexionem arguit. Crassi sunt ob nutrimenti copiam, tenues ob eiusdem inopiam: aliquando fuliginis subtilitatem: hæc omnia & temperatura & ætates arguunt: biliosa enim natura ac ætas nigros, crispas: pituitosa simplices, ac rufos edit: atque iterum hæc raros, & parum firmos, illa uerò egregiè robustos, & densos: non tamen similiter calide regiones, auctiles, aut crassos, aut densos faciunt. Nam magnus regionis æstus, plerunque alimentum pilorum digerit disijcitq̃. Tantum super temperatura significat pilorum natura. Nonnihil indicat etiam super eadem, ipsorum passio. Nam humidius corpus canitiem, siccius caluitiem præcocius patitur; non, ut quidam cogitant, propter alimenti inopiam, sed potius subiecti raritatem. Hoc & particularum indicat diuersitas, caluities citius sinciput denudat, canities uerò celerius infamat tempora, ac in quibusdam citius ipsam faciem: ob similem causam, & barba subinde rufa est, coma insigniter nigra. Non tamen hic licet (ut quidam

dam faciunt) ex descriptione unius partis, forte capitis, totum hominem aestimare. nam tantum super sua parte significat. igitur unamquamque particulam per se, & ad suum principium deest aestimare, nisi prius æqualitate quadam totum corpus dotatum esse cognoveris, atqui id rarum est. Ruditer tamē cōiectari licet, ex univēsi corporis latitudine, lōgitudine, & altitudine. Nā ubi singula partes suam proportionē retinēt, magnū æqualitatis totius corporis argumētū est. Id ubi sit, talis erit univēsi corporis: quippe calidi facies, qualem Galenus descripsit, scilicet hic, ut coma nigra, crispa, ita totum pectus immodicè hirtum est, venter ferè totus, hispida brachia, hispida crura, thorax latus, uasa ampla, cutis nigra, dura. Quod si contrā totum corpus æqualiter frigidum fuerit, omnibus quas diximus mensuris contractum erit, nec tantum collum, aut pectus erit nudum, sed univēsum corpus glabrum, caput uix tenuiter comatum, certè parum coloratum, coma quoque potius rufa, aut flava, quàm nigra. Sed rara est hæc corporum fortuna, ubi respondent exquisitè omnia, sæpe externa internis dissimilia. In piscibus enim testatis, crustaceis, squamosis, externa sicca, interna humida: sæpe idem & in ipsis hominibus euenit, præsertim qui regionem intemperatam inhabitant. Nam in frigidis regionibus plerumq; externa corporis phantasia



sta albet insigniter ac friget. Atqui interim saepe multis Aethiopibus ydē homines reuera magis biliosi sunt: saltem non est aqua partium interiorum atque exteriorum frigiditatis ratio. Nam quantum caloris ad profundum recedit, tantum ferē exterioribus decedit. sic in regione calida aestus ambiens, quantum adducit spiritus & sanguinis exterioribus, tantum adimit ipse interioribus. Fateor, nec negare possum, quin & interiora calidus spiritus incalfaciat, frigidus refrigeret. nam eadem ratione & in regione calida, quā frigida plura biliosa corpora inuenies: & (ne procul à nobis discedamus) plura aestate, quā hyeme: non est tamen interiorum atque exteriorum eadem refrigeratio: aër enim priusquam ad interiora peruenit, nonnihil retunditur, exteriora uerò ruditer inuadit. Iam ut dixi, in frigida regione partes externae insigniter ab aëre externo refrigerantur, nec ullo alio accidente illorum frigiditas diminuitur; interiorum uerò à caloris regurgitatione nonnihil castigatur. Hinc est quod qui Asiam habitant, magis quidem sunt audaces, sed qui Europā, ac Septentrionē praesertim, magis animosi. Saepe ergo dissident exteriores nonnihil ab interioribus. Nam quod magis miraberis, & interna ipsa subinde à seimicem distant: neque id sensu licet diiudicare, sed singulorum operationes oportet cōsulere. Habent enim unumquodque uiscus suas proprias, ac familiares



miliares operationes, iuxta modum temperiei differentes. Verbi causa, in cerebro somni principium, atque ab eo singula opera animalia proficiuntur, sed admodum diuerse. Siccum omnes sensus, omnes operationes primarias habet luculentus, conspicuas: humidum magis obscurus: frigidum etiam torpidus: & iterum humidum multi somni, siccum pauci, calidum etiam interrupti. Si uelis descendere ad cor, ubi morales uirtutes pleraque habitant, quales temperatum edit, diximus: intemperatum uero si quidem calidum fuerit, audacem primo congressu hominem praestat, temerarium, praecipitem, mobilem, iracundum: frigidus uero in omnibus uis sese exhibebit contrarium: accedit quod cor frigidum pulsatum edit lentum, paruum, calidum, uelocem & magnum. De uentre ipse Galenus dixit, quod temperatus bene coquit, intemperatus male. Possumus hic aduicere, quod temperatus erga omnes bene afficitur, calidus calidis, frigidus frigidis capitur, ita & in alijs atque haec signa ab appetitu sunt simpliciora. Nam de concoctione loqui non potes, nisi discrimine ciborum adhibito: non enim uenter frigidus erga omnes cibos aequè impotens est, sed praesertim frigidos: calidus etiam non omnes uitiat, sed praecipue calidos, acres, ac faciles: id propter pisces saxatiles dico, qui frigidi quidem sunt, nihilo secius, dicente in proposito Galeno, promptè in calido uentre corrumpuntur. Pec-

liare etiam ac proprium temperatura uentris  
signum ructus est, qui inter coquendum editur.  
Nam si insipidus fuerit, acidus, aut nidorem ci-  
bi referens (tales autem edit plerumque frigidus  
uenter à cibo frigido) frigidus arguitur: si uerò  
putridus ac fumosus, calidus. Sic ex operibus sin-  
gulorum uiscerum singula intemperamenta pos-  
sis deprehendere. Galeno unum aut alterum exem-  
plum satisfecit. Ita tertio & ab excrementis po-  
tes naturam aut temperaturam ipsorum uisce-  
rum distinguere, scilicet qui frequenter bilem eij-  
cit biliosus, qui pituitam pituitosus, nisi per acci-  
dens aliter euenierit. Nam & hoc quoque distin-  
guere oportet: frequenter enim uel post omnem  
cibum, atque alium quemuis uomitum, tandem  
bilis sequitur, quæ laceßente uomitu ex felle tra-  
hitur. Imò quibusdam uel à principio, idque quo-  
tidie nullo modo natura aliunde provocata bilis  
euomitur, quibus uenter insigniter frigidus est,  
sed male fortunatus, utpote ad quem meatus bi-  
lis peruenit, qui ad primum intestinum uenire  
debeuit. Distinguitur autem cholera, quæ in uen-  
tre gignitur, ab ea quæ ex hepate illuc deriva-  
tur: quia hæc flaua est, illa uiridis: non etiam quæ  
uis uictum hæc sequitur, dumtaxat calidam, acrem,  
aut facilem, denique in his nihilominus bilis per  
alium descendit, illis uerò quæ per uentrem præ-  
cipitari debuit, sursum ascendit. Itidem & alibi  
oportet distinguere, nunquid excrementum quad  
reijcitur

reſcitur, in ea parte ſit genitum, an aliunde de-  
fluxum: ſed non ubique aquè clara discrimina  
inuenies: pauca enim ſunt, quæ pituitam in uen-  
tre natam diſtinguunt, ab ea quæ deorſum in  
ipſum deſcendit: non eſt enim pituita diuerſa, ſed  
ferè eadem: opportunitas cibi aliqua ex parte de-  
terminat: nam pituita in uentre non quidem ex  
quouis, ſed frigidiore cibo generatur. Si uerò ex  
capite deſcenderit, uictum ferè contemnit, atque  
cum omni cibo in uentre conſiſtatur. Non eſt  
minus laborioſum diſtinguere, qui dolores capi-  
tis per ſe, aut per cōſenſum uētris eueniunt: ſub-  
inde enim primum in capite percipitur, tametſi  
ex uentre ceperit. Ad differentiam ergo ciborum  
hic iterum oportet conſugere. Nam dolores capi-  
tis qui uentris temperaturam ſequuntur, ferè ci-  
bum imitantur: qui uerò ex capite oriuntur, etiā  
immutato uictu parum leuantur. Iam diſtin-  
cta temperies ipſorum gemina, aut ex conſuetu-  
dine contracta; nonnihil nos iuuabit. uerbi cau-  
ſa, ſint dolores frigidi (ita enim nunc illos appel-  
lo qui ex occaſiōe, aut materia frigida eueniūt)  
ſi quidem talem caput obtinuerit temperiem, po-  
tius caput quàm uenter in ſuſpicionem ueniet.  
Dignoſcetur autem capitis temperamentum fri-  
gidum ex ijs quæ prius uirtute diximus, canicie,  
ſputorum multitudine, diſtillationum prompti-  
tudine. nam hæc quoque cerebrum frigidum ar-  
guit. Quòd ſi nihil iſtorum capiti familiare fue-

rit, potest ex recenti occasione ita euenisse, prius  
tamen uentris temperie ex ijs quæ prius percur-  
rimus, discernere oportet: nec est alia methodus  
quæ clarius temperaturam interiorum atq; exte-  
riorũ partium discernat. Proinde multum aber-  
rant, qui ex forma lineamentisq; fortè unius par-  
tis totum hominem, & ut uulgo dicitur, ex un-  
guibus leonem æstimant. Nam tantũ super pro-  
pria parte significant, ac neq; id quidẽ perpetuo  
aut possunt, aut faciunt. Nam si Aristoteli cre-  
dimus, Homo hominẽ generat, & sol. ac forma  
quidẽ diuinum principium sequitur, temperatu-  
ra illius formæ est dñtaxat instrumẽtum: cuius  
hoc magnum est indicium, quòd subinde neque  
patrem, neque matrem fœtus exhibet, imitatur  
tamen alterum parentem frequenter. non enim  
forte fortuna uirtus cœlestis in omnem figuram  
materiam uertit, sed magis idoneam ac paratã.  
hinc est quòd alijs specie animãtibus ulia etiam  
organa accommodat, non quidem quia ita me-  
lius putat (non enim intelligit) sed quia ad hæc  
ipsa materia suapte sponte, aut ingenio est ma-  
gis opportuna: sic & partes ipsorũ indiuiduorũ  
pro diuersitate tẽperaturæ uariat, ac quibusdã  
simum, quibusdã aquilinum aut aduncum na-  
sum fingit, non quidẽ quia ita decreuit, sed quia  
sicca materia adũco, humida simo magis est ido-  
nea: fieri tamen potest, ut nō ex sicca quidem, sed  
multa simũ efficiat: ex humida rursum, sed pau-  
ca

ca, aquilinum. Non est ergo perpetuū illud quod natura corporis particulis secundum animi mores effigiat: aliquando enim excidit. Iam dubiū est, an oculi magni humidos an calidos, parui frigidos an siccos denuntiēt. Sic & de ceruleis oculis quidam dubitant, an potius humoris, an caloris copiam arguāt. Duabus ergo de causis potius ex alijs quā ūs modū temperature capiemus. Manifesta enim sunt, tum capitis, tum aliorum ex circūscriptione pilorum indicia. Denique uel illud hic oportet cauere, ne signum quod uni etati debetur, ad omnes uel plures incautē referas. Tales fuerunt ex ueteribus, qui pilosum quacumque etate melancholicum definiunt, cum contrā illius iuuentus egregiē sit cholericā, ac non nisi declinans melancholica. Nam hīc primum ipsa cholera eximiē adurit, cuius mihi quidē causa uidetur, cholera quæ in declināte etate excreſcit, crassitudo. non enim quæuis cholera continēter in atram uritur, sed spissior duntaxat. sola ergo declinans etas, dicitur melancholica: quippe temperatura melancholica ūs duobus continetur, excremento melancholico, & corporis habitu sicco & frigido: atqui is sæpe ignauior est, quā ut bilem gignere, aut genitam possit aduerrere: talis extrema senectus est: proinde neq; hac melancholia dicitur, neq; reuera est, sed pituitosa: cōfractus enim calor naturalis est, neq; cibum in succum perfectum, sed duntaxat lentum, ac dilu-

tum potest conuertere. Senes ergo particulis quidem extremè frigidi sunt & sicci, excrementis uerò egregiè pituitosi.

NON putat Galenus medicamenta potestate talia, fortè calida, quæ possunt incalfacere, sed quæ talia possunt euadere. uerbi causa, scammonium iuxta eum est potestate validum, non quia calefaciendi potentiam habet innatam, sed quia prompte talem qualitatem euidenter recipit. Nā ut ipse arbitratur, in eo qualitas ignea latet, quæ minimo accepto initio emicat atque exultat. Hoc quidem Galenus nititur ostendere, sed tam multa ipse hic impedimēta inuenit, ut se uix possit argumentis cōtrarijs eruere. hinc est quod in uarias formas se uertat, nec unum modum seruet. Primum calida dicit, quæ promptè uertuntur in flammam, aut prunas. uerum neque hæc partitio illi sufficit. Nam uinum calidum est, in neutrum tamen promptè abit: propterea tertio sanguinem respicit, atque ut suum dogma asserat, calido satis esse putat, ut in sanguinem transeat (est enim is quoque natura calidus) uerum neque hoc nomine rectè calida comprehendit, multa enim medicamenta calida sunt, quæ nihilo promptius uertuntur in flammam, prunam, sanguinē, quàm frigida. nam ut reliqua omittamus, alibi diximus, lactuca ac quedam huic similia, promptius in sanguinem quàm sinapi abeunt. uidetur ergo aliam excogitasse differentiam eorum, quæ  
nihil

nihil istorum patiuntur, sed tandem in corpore  
corrumpuntur. uerum quid hic patiuntur, dum  
corrumpuntur, ipse quidem non dixit, neque ego  
coniectari possum. Nam eadem medicamenta fo-  
ris apposita nihilo segnius quam deuorata incal-  
faciunt, & tamen palam nihil patiuntur, sed in-  
tegra manent. Videtur hoc argumentū uelle tol-  
lere, dum rationem reddit, cur potius sinapi ap-  
plicatum quam deuoratum corpus ulcerat. uerū  
eodem exemplo redarguitur, in eo quod medica-  
mentorū elaborationem necessariam putat,  
priusquam corpus nostrum alterent. Nam ut co-  
stant foris apposita, solida manēt, & tamen insi-  
guiter corpus afficiunt: forte tandem ubi corpus  
egregiè incalfecerunt, & ipsa foku corporis quo-  
que inflammātur. Sed quod hic actus non sit ge-  
nuinus, ac iuxta illorum potentiam, certum est  
ex eo quod statim deferunt. perit enim ipso dicēte  
statim affectus acquisitus: manet is qui natura-  
lis est, donec planè eius uis expirarit. ac id propter  
calcem dico (nihil enim dissimulare uolo) quæ  
accensa tandem extinguitur, sed non amplius ac-  
cenditur: at medicamina hæc calida sæpe extin-  
gui, & iterum accendi possunt. Si quidem ergo  
mihi Galeni pace dicere liceat, quæ pure medi-  
camenta sunt, nequaquam calida dicuntur, quia  
in calidum elementum facile uertuntur, sed quia  
incalfacere possunt, tametsi ipsa nunquam essent  
calida: sic sol & sidera infrigidant, incalfaciunt,



nequaquam tamen ipsa unquam talia existunt. Idem de medicamentis puto, ac dico audacius, quòd medicamēta nequaquam suam uirtutem ab elementorum miscella recipiunt, sed astrorū influxu. Ex eorundē discrimine fieri potest, quòd quedam in substantiam corporis nostrī abeūt, quedam nunquā elaborari possunt: quòd uera trum coturnicē nutriat, hominem perdat: quòd mel hominē incalfaciat, apē nihil alteret: quòd piper palatum potius, quā aliam particulam urat: & rursus quòd quedam in calidiorem, quedam in frigidiorē sanguinem abeant. Pròptè enim unusquisque cibus in id uertitur, ad quod natura cœlesti uel elemētari est propitius: atque ijs quidē ut tam medicamenta sint, quā nutrimenta, accidit. Nam quatenus in sanguinē uertuntur, nutrimenti: quatenus uerò corpus calidius aut frigidius demutāt, medicaminis rationem optimo iure sibi uendicant. Galenus non nisi in uentre (dum hæc erudiuntur) medicamēta recipit: atque hic periclitatur, ne morbos in secretioribus particulis omnes immedicabiles faciat. Iam quod est magis mirabile, dicit sanguinē ex eruca, nasturcio, lactuca similem esse, atque sanguinis quidem copiam augere, qualitatem uerò illius similem relinquere, neq; intendere, neque remittere. Miror profecto hæc ab ijs, qui toties ea legerunt, dissimulari potuisse. Proficiscuntur autem hæc ex suscepta Galeni hæresi omnia, qui  
negat



negat medicamēta sub tepore posse infrigidare, sed talem manifestam qualitatem suscipere, priusquam hucusque corpus nostrum possint alterare. atque id falsum est. quod si quam maximè uerum esset, nondum quicquam prohiberet sanguinem, qui ex nutrimento recens gignitur, aut calidi, aut frigidi medicaminis uicem habere. nā & frigidior sanguis calidiora refrigerare potēs est, & calidior incalfacere. Hæc eadē credo fuit occasio, cur aliter hic de uenenis frigidis, aliter in tertio de simplicibus sentiat. In eo enim libro differit uenenum frigidum duntaxat quantitate mortiferum, nec hoc ibidem obiter, sed exemplo anus Atheniensis, quæ cicuta nutrita est paulatim, ex professo ostendit: nunc hic totum illorū genus deleterium ait. Manifesta est cōtradiçtio, nisi aliud sit totum genus, quàm toto genere deleterium esse: atque id non est uerisimile: nam semel atque iterum frigida medicamina, tota substantia, quod idem est, ac si dicas, toto genere contraria ac deleteria describit: reuera tamē quædam ex ijs paulo promptius quàm calida in substantiam nostram longo studio transire possent: sed nunc id dissimulauit, ne uenenum semel incalfactum concederet infrigidare. Puto quòd hæc, nec alia fuerit eius religio, qui negauit potētiam aliquid posse, cui non responderet manifesta energia. Atque agē, contendat ita rem se habere in calidis, nunquā id ipsum poterit seruare in fri-

gidis. nam certo certius constat, quod medicamina calida in modum aque tepidae possunt infrigidare. nec antea in corpore medicamentum euadet frigidum, quam à corpore fuerit infrigidatum: ergo quod corpus ab ipso medicamine prius infrigidetur, est necessarium. Eat nunc, & in medicamento manifestam qualitatem expectet, priusquam potentiae opus speret. Multo magis ridicule eandem qualitatem sperabit in eo medicamine, quod siccandi habet potentiam. certum enim est, quod multa medicamenta actu humida exsiccant: quod enim de uino diceret, ac rursus si forte uinum incalfaciat, & humectet, nunquid ob id excessum igneae substantiae, sed latentis in eo inueniet? certum est, quod in eo abundet, uincatque multis partibus elementum humidum. Nihil igitur superesse uidetur, quod illius sectae patrocinari possit, aut nostrae refragari: ac nihilo tutius medicamentum calidum desiniet, quod prompte in flammam uertitur, aut prunam, quam quod rubicundum est, quod tenuius partium est, quod leue est: sed ex ipsis operibus coniectari oportet, neque ijs omnibus, sed quae relinquit in affectu simplici, hoc est immateriali ac summo. Verum rarum est medicamentum, quod morbum in summo calidum refrigeret, aut frigidum incalfaciat. subinde enim talia sunt, sed infirmiora quam quae magnum affectum possent tollere. Nequaquam ergo licebit hic subsistere, sed paulatim usque ad primum

primum gradum descendere. ita enim non tantum qualitatem medicamenti inuenies, sed & ordinem certum deprehēdes. Nam medicamentum quod affectu frigidum in quarto ordine relinquit, sed alucū in tertio expugnat, proculdubio in tertio calidum exiit. Idem de medicamento dico, cui morbus in tertio resistit, sed in secundo succumbit. Iam obseruandum est an talis effectus continenter naturam rei sequitur, an in tercessionē alicuius accidentis: sic medicamina calida intercedente humorum calidorum resolutione partem uidetur refrigerare, & aqua frigida intercedente repercussione incalfacere, ob prius accidens medicamentum in simplici, non autem materiali affectu experiri oportet, ob posterius potius tepidum quam frigidum aut calidum medicamentum tētare debemus. Licet & hoc aliter distinguere. Nam qualitas, quæ primo insinuatur medicamento, genuina est: quæ uero postea sequitur, magna ex parte externa est. iam naturalem qualitatem ubique prodit, accidens talem uerò non nisi in quibusdam. exempli causa, aqua frigida, non ubique calorem prouocat, (est enim ubi extinguit), sed duntaxat in ijs qui natura calidiores sunt. Id quomodo fiat, Galenus imperfecte tradidit, nec quenquam perfecisse inuenio, sed mihi ita accidere apparet, dum spiritus & sanguis ad interiora per frigiditatem repellitur, in ijs qui calido & copioso sanguine constant


stant, ægre ab internis admittitur, sed statim decedente causa quæ repulit, ultro regurgitat, ac repercutitur: ferè autem partem sanguinis secū rapit. Nam uulgo dicitur, quòd fluxus fluxū pro- uocat. Non paruum etiam caloris auctariū præbet, quòd ea quæ repercutiunt, difflationem prohibent, ita enim calor intus æstuat, & more hypocausti incenditur.

MORBUS elementaris quadruplex est, calidus, frigidus, humidus, siccus: atque is aliquando uniuerso corpore spargitur, sepius parte aliqua circumscribitur: non est tamè una omnium particularū eius partis alteratio, sed pro diuersitate partium ipsa uariat. aliter enim afficiuntur partes proximæ, aliter dissitæ, aliter mediæ, & rursum aliter calidæ, aliter frigide, tenues, ac crassæ, aut solidæ, sepe prima in qua morbus occipit penitus est immutata, priusquàm secunda mutari incipit. Hactenus Galenus dolorè agnoscit. Nam ubi omnes permutatæ sunt ex æquo, dolorem obstupescere putat. Sed hic sermo mihi duntaxat ex dimidia parte uerus apparet: non enim dolor ex eo oritur, quia altera pars alteri dissimilis est, sed quia naturale, uel eius quod loco naturæ est, tēperamentum ab alio sensibilibiter mutatur: adeo ut inæqualis intēperies, quæ altera causa doloris dicitur, proprie nō sit diuersarū partiū, sed eiusdē partis diuersa quodā modo in tēperies. est enim quoddā ex naturali qualitate & aduen

& aduentitia inter se pugnantibus medium nec  
uereri oportet, ne in eodem admittas contraria.  
non enim ubi ad extremum uentum est, hic du-  
plex qualitas subsistit, sed ex duabus una oritur:  
quæ ex calido ac frigido concreuit, non sine alte-  
rius indignatione. Potest ergo hæc inæqualitas  
fortè calida per uniuersum corpus, nihilo secius  
quàm per unam partem consistere: quod & ali-  
quando quidã sentire uidentur, dum aiunt nuls-  
lam corporis partem sese doloris expertem habe-  
re. Durat autem hæc controuersia, donec alterũ  
explosum fuerit, alterum uerò quodam modo  
syncerum extiterit: ac tum pars, aut uniuersum  
corpus dolere asseritur: cessat enim actio & pas-  
sio. Sed hic fortuna duplex, aliquando uincit na-  
tura, & sanitas sequitur: interim morbus, &  
est præsens exitium omni propemodum naturæ  
extinctæ, in quo consistit omnium mortalium  
morborum caput. Ac caliditas si per totum gras-  
setur, hectica dicitur. uidetur tamen & alia he-  
ctica dici, quæ in solido etiam citra æqualitatẽ  
consistit: quoniam difficilius qualitas eruitur ex  
solido quàm humido. Quòd de calida inæquali-  
ter intemperie dicitur, idem & de frigida opor-  
tet commentari. Nam quod maius est, aliquando  
ambæ in eandem partem simul incidunt. Viden-  
tur autem nusquam magis quàm hic contraria  
committi. sed eadem est quæ prius excusatio. Nã  
si mediocris qualitas, seorsum nunc à calido, nũc  
à frigido

à frigido pati potest: nihil impedit quin eodem tempore pati potest ab utroq; , ac sic quidem ab utroque inæqualitas quedam ac dolor oritur. Neque hic tergiversari oportet, quoniã idẽ ostendit ipsa experiẽtia. Nã si quis à calida simul perfundatur, & à frigida, ab utroque patitur: iã nihil refert siue à causa externa, siue interna hanc immutationẽ fieri cogites: sed multum interest, si quicquid à calido patitur, statim calidum, aut quicquid à frigido, mox frigidum dicas: id enim manifestum est mendacium. Ergo temperatura nostra ab utroque pati potest, tametsi nullius integram uim suscipiat. Ac tantum de temperatura agrorum: quæ duplex existit: altera inæqualis, in qua altera qualitas cum altera pugnat, externa cum interna: altera æqualis, in qua tantum non omnis natura explosa est.

F. I. N. I. S.





1025

